

نه لکی در سعادت ایچون مجیده
بکری فروش حسابیله التمش
غروشد

طهره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

قانون مجازات

آبونه اولق ایستینلر دائره عدلیه ده
اداره مخصوصه سنه مراجعت
ایتملیر

اعلاناک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِغَات

تعديلاً قلمه آئوب مرعیت احکامی خصوصه
مجلس مخصوص وکلا قراريله بالاستيدان اراده
سنیه جناب خلافتناهی شرفتعلق بیوریلان
پولیس نظامنامه سیدر:

- ١ ماده پولیس امنیت عمومی محافظه
و آسایشک دوام و استقراری تأمین وظیفه سیله مکلفدر.
- ٢ ماده پولیسک وظائف عمومی سی (ضابطه)
اداره و (ضابطه ملکيه) و (ضابطه عدلیه) ناملریله
اوج قسمدر.
- ٣ ماده ضابطه اداره مملکتک محافظه امنیت
و آسایشله برابر استراحت عمومی نك استحصالی و بالجله
جرائمک منع وقوعی ضمنده اداره وضع واتخاذ
اولنان قواعد توفیقاً تدایر لازمه یی اجرا ایتکدر.
- ٤ ماده ضابطه ملکيه هر درلو جرائم سیاسیه نك
وقوعی منع ایچون اتخاذ اولنان تدایر مخصوصه
انضباطیه یی ایفا ایله برابر بوکا سبب اوله بیله جک
اشخاص و احوالی متادیا و خفیاً تجسس ایلکدر.
- ٥ ماده ضابطه عدلیه قوانین عدلیه ده محرر
اولدینی اوزره جرائمی تحری و فاعلرینی در دست ایله
متعلق اولدقلری محاکمه تسلیم ایتکدر.
- ٦ ماده پولیسک صورت ترتیب و تعیینی قواعد
آتییه تابعدر.

برنجی باب

- پولیسک صورت ترتیب و تشکیل و سلسله مراتب اصول
- ٧ ماده پولیس مأمورین ملکيه دن معدود
اولوب مرجعی ضبطه نظارتیدر.
- ٨ ماده پولیس سر قومیسر و ایکنجی قومیسر
واوچنجی قومیسر و قومیسر معاونی و پولیس مأموری
ناملریله بش صنفه منقسمدر.
- ٩ ماده در سعادت پولیس اداره سی بک اغلی
واسکدار متصرفلقلری و استانبول پولیس مدیرلکی

- ناملریله اوج دائریه و بونلرده متعدد پولیس مرکز لینه
و هر مرکز پولیس موقعلینه و پولیسلر صورت
استخدام اعتباریله بلوک اوزرینه مرتبدر.
- ١٠ ماده پولیس بلوک لری بر سر قومیسر
ولزومی قدر ایکنجی و اوچنجی قومیسر لرله قومیسر
معاون و پولیس مأمورلرندن متشکلدر.
- ١١ ماده در سعادته مواقعی ایله برابر هر پولیس
مرکز لری ایچون بر بلوک ترتیب اولنه جق و فقط
متصرفلقلجه و یا پولیس مدیرلکنجه کوریه جک لزوم
و احتیاجه بناء بر مرکز دن بعض قومیسر لرک و قومیسر
معاونلرینک و یا خود بر مقدار پولیس مأمورینک بلوکنه
ارتباطی قالمق و مواد مستعجله ده نقلرینی اجرا ایله
برابر ضبطه نظارته معلومات اعطا و مواد غیر مستعجله ده
اول امرده نظارتدن استیدان اولنق اوزره موقتاً
دیگر مرکزده استخداملری جائز اوله جقدر.
- بر مرکز دن دیگر مرکزده قالدیریه جق سر
قومیسر لرک قیدی ده او یولده تصحیح ایدیله جکدر.
- سر قومیسر بولندیرلر سنه موقتاً لزوم کورلیان
بلوک و مرکز لرده سر قومیسر وظیفه سی ایفا ایتک
اوزره ضبطه نظارتنک تسبی ایله ایکنجی و یا اوچنجی
قومیسر استخدامی جائزدر. بر دائره و یا ولایت و یا خود
لوا پولیس قومیسر و قومیسر معاونی و پولیس
مأمورلرینک اودائریه و یا ولایت و یا خود لوایه ارتباطی
قالمق اوزره عندالاقضا موقتاً دیگر دائریه و ولایت
و لوایه تفریقی ایله استخدامی و دائره لری داخلنده
وظائف قانونیه لینه مرتب احوال و خصوصاتدن
طولانی دیگر دائره و یا ولایت و لوا داخلنه کیدرک
موقتاً اجرای تحقیقات ایتلری و مظنونلرک اخذ و کرفتی
امرنده تعقیبات و تحریات اجرا ایللری جائزدر.
- ١٢ ماده هر ولایت و غیر ملحق لوا پولیس
اداره سی بر دائره اعتبار اولنه جق و ولایات مرکز لرنده
بر پولیس مدیری ایله ولزومی قدر قومیسر و قومیسر
معاونی و پولیس مأموری و الویه غیر ملحقده بر
سر قومیسر و ولزومی قدر قومیسر و قومیسر معاون
و پولیس مأموری و ملحق لوا لرله قضا لره بر و ایجاب

- ایدر ایسه ده ازیاده قومیسر ایله ولزومی قدر قومیسر
معاونی و پولیس مأموری استخدام اولنه جقدر.
- ١٣ ماده ولایتلرک اهمیت موقعیه لری ایله
جسامتلرینه کوره پولیس مدیریتلری اوج صنفه
تقسیم اولنه جقدر.
- ١٤ ماده پولیس قومیسر و قومیسر معاون
و پولیس مأمورلری و وظائف مأموره لرندن طولانی
هر بری مافوقلرینه قارشو مسئول و مافوقلرندن درجات
اوزرینه آله جقلری اوامری انفاذ و اجرا ایتک
مجبوردرلر.
- ١٥ ماده طشرده پولیسر والی و متصرف
و قائم مقاملرک معیت مأمورلرندن معدود اولدقلرندن
معاملات عمومی ضابطه حقدده انلره در حال اعطای
معلومات ایتک مجبور اولقله برابر مواد مهمه و احوال
فوق العاده دن طولانی ضبطه نظارته دخی اخبار
کیفیتله مکلفدرلر.
- ١٦ ماده پولیس قومیسری بولنیان یرلرده
قومیسر معاونلرینک الکقدملی و اقتدار لسی قومیسرک
وکیل طبعی سیدر.
- ١٧ ماده پولیسلر امور مأموره لرندن غیری
خدمتلرده استخدام اولنه میه جقلری کبی معاملات
ضابطه حقدده آمرلرینه اعطای معلومات ایده جکدردر.
- ١٨ ماده در سعادته بک اوغلی و اسکدار
متصرفلقلریله استانبول پولیس مدیرلکنک معیتلرنده
سر قومیسر لرندن اولق اوزره بر رئیس ایله سر قومیسر
و یا ایکنجی قومیسر لرندن در در اعضادن مرکب بر
پولیس مجلسی بولنور.
- ١٩ ماده ولایات و الویه غیر ملحقه مرکز لرنده
کذلک قومیسر لرندن بر رئیس ایله ایکی اعضادن مرکب
بر پولیس مجلسی بولنور.

(مابعدی وار)

طرابلس شام سنجاغی بدایت محکمه سی استنطاق
دائره سنجه مظنون علیهم ایله شهودک استماعی ائناسنده
حاضر بولندریله جق محکمه کاتبنک وظیفه اصلیه سی

سكته دار اولماق ايچون عند الانجياب موقتاً جلي حقبنده انجمن لواند و يريلان قراره قارشو جلب واحضار مذكوره لری ترقیمی کي معاملات سائرہ بی دخی ایفا ایتک اوزره بوانک استتطاق دائره سی معاملاتنه حصر وظیفه سی مستتطق جانبندن طلب ایدلکده وشوطلبک ترویجی حالده محکمه معاملات تحریریه سنک دوچار تأخرات اوله جغی جانب ریاستدن افاده قلمقده اولدیغندن بمثلہ استفسار کیفیتہ دائر بیروت ولایتی استیناف محکمه سی مدعی عمومیلکندن وقوع بولان اشعار اوزرینه محاکم نزدنده بولسان مستتقلارک وظائف قانونیه لرینی نه کبی احوالده محکمه کاتبک حضوریه ایفا ایتلری لازم کله جکی اصول محاکمات جزائیہ قانونک التمش سکنزنجی ویتش برنجی ماده لرله مواد سائرہ سنده بیان وتصریح ایدلش اولسنه نظراً دائره استتطاقه کاتب مومی الہک صورت دائرہ مذکورہ حضوریه لزوم قانونی اولدیغنی جهتہ محلی انجمنک تنسیب دائره سنده محکمه کاتبلرندن برینک عند الانجياب دائره استتطاقه جلی حالده هم احکام قانونیه رعایت اولمش وهم محکمه معاملاتک دخی سکته دار ایدلماش اوله جغی ملاسه سیله شو صورت موافق حال ومصلحت کورتمش اولدیغندن بوبولده ایفای معامله اوللق لازم کله جکنک جواباً مذکور مدعی عمومیلک تنبیغی انجمن عدلیه دن بیان وافاده قلمشدر .

محاکمات مؤخرات

محکمه تمیز حقوق دائره سنندن تنظیم واعطا اولنان اعلامدر :

قونیہ ولایتی داخلده انطالیہ تابع سربک ناحیه سنه مضاف آبش قریه سنده ساکن احمد چاوش ایله قریه مذکورہده مقيم حاجی احمد بینده متجدث دعوايه دائر قونیہ استیناف محکمه سنندن ۲ شباط سنه ۳۱۵ تاریخ ویکرمی بدی عددی ایله ویریلان اعلام مرقوم احمد چاوش طرفندن تمیز ایدلکله اعلام مذکور طرفنک اعتراض وجواب لایحه لرله بالمطالعہ تدقیقات تمیزیه اجراسنه ابتدار قندی .

اعلام مذکورک خلاصه مائی مرقوم حاجی احمد قریه مذکورہده کاش اولوب برادرى عثمان ایله مشترکاً جانب میردن نفوذ ایتش اولدقلری معلوم الحدود اون دنوم مقداری اراضی خالیه نکل بدل فراغی کندوسی ویردک و اخیراً مصارف انشائیہ وکراسته وادوات سائرہ سنی دخی کاملاً تسویه ایدرک اوزرینه انشا ایتدیرمش اولدیغنی دکرمانه مرقوم احمد چاوش

فضولی مداخله ووضع ید ایتکده اولدیغندن بمثلہ مداخله واقعه نکل منعیله قیدینک مستقلاً نامنه اجرایی خصوصنک حکم آلتہ آلتہ سنی تکه بدایت محکمه سنه مراجعتله طلب ودعوی وتویر مدعا ضمتده برقطه طاو علم وخبری ابراز واعطا ایتسی واولسان دعوتہ مدعی علیک اجابت ایلماسی اوزرینه محکمه ججه وکیل مسخر تمیزیه غائب مرقوم احمد چاوشک منازع فیه اراضیه واضع الید اولدیغنی بالینه ثابت اولدقدن صکره جریان ایدن محاکمه و تدقیقات غیایه نتیجه سنده مدعا به اراضینک خرجی مدعی مرقوم حاجی احمد طرفندن اعطا وتسویه ایدلکی واوزرینه انشا اولنان دکرمانک کافه آلات وادوات ومصارف انشائیہ سنی دخی کذا مدعی مرقومک تأدیہ ایتدیکی مبرز علم وخبر مؤدسی، اقامه واستماع ایدیلوب لدی التزکيه مقبول الشهادہ اولدقلری خبر ویریلان شهودک شهادت لری ایله تحقیق ایتسنه مبنی مدعی علیه مرقوم احمد چاوشک مداخله سنک منعیله مذکور دکرمانک اراضی قلمنجہ مستقلاً مدعی مرقوم نامنه قیدینک اجراسنه دائر لاحق اولان اعلام غیابی حکمه مرقوم احمد چاوش اعتراض ایتسی اوزرینه محکمه مذکورہده جریان ایدن محاکمه و تدقیقات وجایه نتیجه سنده منازع فیه دکرمانک انشاسیچون معترض مرقوم احمد چاوشک امریه معترض علیه مرقوم حاجی احمدک بدی یوز غروش صرف ایتدیکی فقط دکرمانک معترض مرقومک مالی اولق اوزره انشا ایتدیرلیدی تحقیق ایتسنه مبنی حکم غیابینک جرح وابطالیه معترض علیه حاجی احمدک منع مداخله سنه دائر ویریلان اعلام وجایه حکمه مرقوم حاجی احمد عدم قناعتله قونیہ استیناف محکمه سنده استیناف دعوی ایتسی اوزرینه محکمه مذکورہده جریان ایدن محاکمه و تدقیقات استینافیه نتیجه سنده دخی بدایه مدعی بولنان مستأنف حاجی احمد منازع فیه دکرمان مستقلاً کندی ملکی اولدیغنی ادعا وشو ادعائی دخی محاکمه غیایهده محکمه نکل قرار وتسیبی اوزرینه اقامه شهود ایله اثبات ایتش اولدیغنی حالده اعتراضاً جریان ایدن محاکمه وجایهده مدعی علیه احمد چاوش مذکور دکرمانک برادرى متوفى عنان ایله کندی بینده مشترک اولدیغنی بیان ایله مدعینک مدعاسنی انکار ایتش واولسایده برادرى متوفاک ورثه سی طرفندن دخی دعوی سبق ایتماش اولدیغنی حالده محکمه بدایتجه برکونه اسباب ترجیح بیان وارانہ اولقمیزین مدعی علیه مرقومدن بینه طلب ایدلسی وبوبایدکی اعلام غیابی مندرجاته نظراً مدعا به دکرمانه مدعی علیه احمد چاوش واضع الید اولوب مستأنف حاجی احمد خارج ومهدمدعی بولسنه کوره بحکم المحله مرقومک بینه سی مرجع ایکن بالعکس مدعی علیک

بینه سنک ترجیح ایدلسی ومع مافیہ مدعی علیه مرقوم احمد چاوشک برمنوال محرر دعواسی برادرى ایله مشترک اولدیغنی بیانندن عبارت ایکن اولسایده اقامه ایدلکی شاهدلر مستقلاً مرقومک مالی اولدیغنه شهادت ایتش اولملریله شهادات واقعه نکل مقبول ومعتبر اولدیغنی کي مذکور دکرمانک انشاسیچون مستأنف حاجی احمدک دخی بدی یوز غروش صرف ایتدیکی ججه مدافعه وشهادتدن اولسنه کوره مذکور دکرمانک قاج غروش مصرفه میدان کله بیله جکی ومستأنفک وقوع بولان صریقانی نه سبب ومقصده مبتنی ایدوکی ومبلغ مذکورک صورت ومحل تسویه سی حقنده تدقیقات مقتضیه اجرا وشهودک من کیلری کیمار اولدیغنک دخی متن اعلامه درج ایدلماسی یولسز ومخالف اصول وقانون اولدیغنه بناء اعلام ابتدائی مذکورک فسخیله نواقص مذکورہ نکل اکالی ضمتده کیفیتک بیه مذکور بدایت محکمه سنه اعاده سنه حکمدن ومستدعی تمیزک اشبو حکم علیهنده لایحه سنده محرر باشلو ججه اعتراضی بدایت محکمه سنجه وجاهاً لهنه حقوق ایدن حکم ابتدائی موافق اصول وقانون ایکن عند الاستیناف حکم مذکورک فسخ وابطالیه محکمه بدایتہ اعاده سنه قرار ویرلسی مخالف قانون اولدیغندن بمثلہ اعلام مذکورک تقضی ومدعی علیک نتیجه جوابی دخی سرد ایدیلان اعتراضک واهی اولدیغنی بیانیله ردی واعلامک تصدیق طلبندن عبارت بولمشدر .

ایجابی مذاکره اولدقده اعلام مذکور مطالعه سنندن اکلاشلدیغنی اوزره محکمه مذکورہده درجه اولی اعلامنک فسخیله کیفیتک محکمه ابتداییه اعاده سنه قرار ویرلش ایسده اصول محاکمه حقوقیه قانونک ماده مخصوصه سنده محرر اولدیغنی اوزره استیناف محکمه سنجه اسباب قانونیه مبنی درجه اولی محکمه سی اعلامی فسخ ایدلکی صورتده دعوی واقعه نکل استیناف محکمه سنجه یکدن رؤیتی اقضا ایدر ایکن برمنوال محرر درجه اولی محکمه سنه اعاده سنه قرار ویرلسی مخالف قانون اولدیغندن اصول محاکمه حقوقیه قانونک ایک یوز اوتوز ایکنجی ماده سی حکمه توفیقاً اعلام مذکورک قضیه قانون مذکورک ایک یوز قرق دردنجی ماده سی موجبجه کیفیتک یکدن بالرویه اعلامه ربطی ضمتده محکمه مذکوریه اعاده سنه ودرت یوز اتی یق غروش مصارف تمیزیه نکل ایلروده حتمسز حقیقه جق طرفه عائد اولق اوزره اول امرده مستدعی تمیزدن آلتسنه ۶ شباط سنه ۳۱۶ تاریخده متفقاً قرار ویرلدى .

محکمه تمیز استدعا دائره سنندن تنظیم واعطا قلتان اعلامدر :

بیروت ولایتی هیئت اتهامه سنندن لاحق اولوب ۲۴ کانون ثانی سنه ۳۲۲ تاریخنده تبلیغ ایدیلان مرور زمان قرارى حاوی مضبهنک تمیزینی مستدعی ولایت مذکور استیناف محکمه سی مدعی عمومیلکی طرفندن ویریلان ۲۷ کانون ثانی سنه ۳۲۲ تاریخی استدعا نامه واوراق متفرعه سی باش مدعی عمومیلک مأمو ریت بهیسنک ۹ تویزنه ۳۲۲ تاریخی تبلیغ نامه سیله محکمه تمیز استدعا دائره سنه تودیع اولمغله لدی التدقیق مذکور استدعا نامه نکل مدت قانونیه سی طرفنده ویرلیدی اکلاشلدیغندن اوراق مرقومه دائره ججه قرائت ومطالعہ اولدى .

مذکور مضبهنک مالی هدم وتخریب ماده لرندن دولای مظلون علیهم اولان علی ورفقاسی حقارنده تحقیقات اجرایی وظیفه سی داخلده اولدیغنه دائر مستتطق طرفندن ویریلان قرار نامه علیهنه وقوع بولان اعتراض اوزرینه کیفیت هیئت اتهامیه ججه بالتدقیق وقعی ادعا اولنان فعلک تاریخندن اقامه دعوی تاریخنه دکیمن مرور زمان واقع اولدیغنی اکلاشلدیغنه مبنی اصول محاکمات جزائیہ قانونک درتویز سکسان ایکنجی ماده سنه توفیقاً دعوی مذکورہ نکل تعقیبه محل اولدیغنه قرار ویرلدیکندن ومذکور استدعا نامه به مربوط لایحهده مندرج اعتراضاتک خلاصه سی دخی خصوص مذکورک رؤیتی محاکم حقوقیه عائد ایدوکنه دائر اعتراض نامه در میان اولنان ادعا بالتدقیق بوجیت حقنده برقرار اعطاسی مقضی ایکن مرور زمان وقوعندن بمثلہ حقوق عمومیه دعواسنک تعقیبه محل اولدیغنه قرار ویرلسی مخالف قانون اولدیغندن بمثلہ مذکور مضبهنک تقضی طلبندن وتبلغ نامه نکل مفادی دخی لایحه تمیزیهده در میان اولنان اعتراضات بجا کورلش اولسنه مبنی مضبهنک مذکورہ نکل تقضی لازم کله جکی بیانندن عبارتدر .

ایجابی لدی المذاکره اوراق موجوده مندرجاتنه نظراً علیهنه اعتراض اولنان مستتطق قرار نامه سی وظیفه قرارینی حاوی اولدیغنی جهتہ هیئت اتهامیه ججه اول امرده بوجیت حقنده قرار ویرلک مقتضی بولنش ایکن بوندن بالذهل مرور زمان وقوعندن بمثلہ دعوائک تعقیبه محل اولدیغنه قرار ویرلسی یولسز ومخالف قانون اولدیغندن اصول محاکمات جزائیہ قانونک اوچوز اون دردنجی و اوچوز اون طقوزنجی ماده لرلى احکامنه توفیقاً مذکور مضبهنک تقضیه ۲۳ تویزنه ۳۲۳ تاریخنده اکثریتله ترار ویرلدى .

آدنوک پترونی جرح ایتدیکی ثابت اولدیغندن اونیش کون مدتله حبسنه بک اوغلی بدایت محکمه سی جزا دائره سنجه قرار ویرلشدر .

محاکمات ابتدائیه

مدیات قضاسی بدایت محکمه سی اعضا سنندن عیسی واعضای سابقه سنندن برصوم ومستتطق معاون سابق شاکر ومدعی عمومی معاون وکیلی قومیسر یشار وپولیس جرجیس افدیلرک خلاف اصول وقانون حرکات ومعاملاته متجاسر اولدقلری دیاربکر ولایتی استیناف محکمه سی مدعی عمومیلکندن وارد اولان اوراق تحقیقیه محتویاتندن مستبان اولسنه مبنی دیکرلری حقنده توجیداً تعقیبات اجرا اوللق اوزره مومی الهمدن عیسی و برصوم ویشار افدیلرک محاکمه آلتنه آلتلرینه عدلیه نظارت جلیله سنندن مأذونیت ویریلرک مذکور مدعی عمومیلک تبلیغات مقتضیه اجرا قلمشدر .

لازستان سنجانجی بدایت محکمه سی اعضا سنندن محمد علی بک ایله پانجو ویورغاکی افدیلرک بر مادهده خلاف قانون برائت قرارى اتخاذ ایش اولدقلری طرزون ولایتی استیناف محکمه سی مدعی عمومیلکندن وارد اولان اوراق تحقیقیه مندرجاتندن مستبان اولسنه مبنی مومی الهمک بالعزل محاکمه آلتنه آلتلرینه عدلیه نظارت جلیله سنندن مأذونیت ویریلرک مذکور مدعی عمومیلک تبلیغات مقتضیه اجرا ایدلشدر .

اعلامات

تجارت بحیرہ حکم سنده

استانبولده مارپوشیلرده نعمت خانى آلتنده تجارتکاهده مقيم هازرى بهارک ایلروده تاریخ عجزی تعیین ایدلک اوزره شمذیلک ۲۴ تشرین اول سنه ۳۲۳ تاریخندن اعتباراً اعلان افلاسنه ومصالح افلاسیه نکل رؤیت وتسویه سی اضممنده اعضای محکمه دن عزتلو ایوب صبری بکک ژوژ قومیسر ودعوی وکیلرندن یوسف کمال وقواس اوغلی فواد وواخانس باراویان افدیلرک موقت سندیک تمیزلرینه ومغازیه سیله اشیای زائده بیتیه سنک تمهرینه واوراق ودفاترینک جلینه وكفالت مصدقه ارأه ایدمه مدیکى تقدیرده حبس وتوقیفه وبوبایدکی قرارک موقتاً اجراسنه تجارت بحیره محکمه سنجه قرار ویرلش اولدیغندن

قانوننامه تجارتک ۱۷۰ نجی ماده سی موجبجه دائمی سندیکلر انتخاب اوللق اوزره اشبو ۳۲۳ سنه سی تشرین ثانیسنک یکرمی بدینجی صالی کونی ساعت بدی راده لرنده اصحاب مطلوبک محکمه مذکورہ نکل مصالح افلاسیه رؤیته مخصوص اوطنه سنه کلری اعلان اولتور .

اسکدارده بکی جامع شریف قربنده تجارتکاهده مقيم ودری تجارتیه مشتغل نیقولى آرکرینک ایلروده تاریخ عجزی تعیین ایدلک اوزره شمذیلک ۸ تشرین ثانی سنه ۳۲۳ تاریخندن اعتباراً اعلان افلاسنه ومصالح افلاسیه نکل رؤیت وتسویه سی ضمتده اعضای محکمه دن سعادتلو ابراهیم بکک ژوژ قومیسر ودعوی وکیلرندن حیاتی وسر قراطی آدنودیاسی افدیلرک موقت سندیک تمیزلرینه ومغازیه سیله اشیای زائده بیتیه سنک تمهرینه واوراق ودفاترینک جلینه وكفالت مصدقه ارأه ایدمه مدیکى تقدیرده حبس وتوقیفه وبوبایدکی قرارک موقتاً اجراسنه تجارت بحیره محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اوللق اوزره اشبو ۳۲۳ سنه سی تشرین ثانیسنک یکرمی دردنجی جمعه ایرتسی کونی ساعت بدی راده لرنده اصحاب مطلوبک محکمه مذکورہ نکل مصالح افلاسیه رؤیته مخصوص اوطنه سنه کلری اعلان اولتور .

غلطهده کوریکیلرده ۴۹ نومرولی مغازدهده مقيم وبویا تجارتیه مشتغل ایکن تجارت بحیره محکمه سنندن افلاسنه حکم اولنش اولان موئز بهار وتومیانیه سنک خصوصات افلاسیه سنک رؤیت وتسویه سی ضمتده دعوی وکیلرندن سلیم حسنی وشعمونلوی افدیلر اصالة سندیک تعیین قلمنش اولدقلرندن مفلس مرقوم ذمتده آله جینی اولانلرک قانوننامه تجارتک ۱۹۹ و ۲۰۰ نجی ماده لرلى موجبجه تحقیق دیون ایچون تاریخ اعلاندن اعتباراً یکرمی برکون طرفنده سنداتى محکمه کاتبه تسلیم ایللری ومدت مذکورہ ختامندن صکره اوچ کونده یعنی ۳۲۳ سنه سی کانون اولنک برنجی جمعه ایرتسی اوچنجی بازار ایرتسی ودردننجی صالی کونلری تجارت بحیره محکمه سنک افلاس معاملاتنه مخصوص اوطنه سنه کلرک سندیک قندیلر مواجهه سنده آله جق لرینی اثبات وقید وتصدیق ایتدیرملری ومدت مذکورہده اثبات وجود ایدمه میان آله جق لور حقنده قانون مذکورک ۲۱۰ نجی ماده سنه توفیقاً ایفای معامله اوله جغی اعلان اولتور .

ایکنجی تجارت محکمه سندھ :

در سعادتمندہ بالی بازارندہ طاشجیلر دہ مقیم وینر تجارتیہ مشغل استفان قالین اوغلی و شرکاسنک ۱۰ تشرین ثانی سنہ ۳۲۳ تاریخندہ اعلان افلاسنہ و مصالح افلاسیہ نیک رؤیت و تسویہ سی رؤیت ضمنندہ اعضای محکمہ دن عزتو سناخ بکک ژوز قومیسر و دعوی وکیلرندن میخالاککی نیقولائییدی و خریستاککی امانوئییدی افندیلرک موقت سندیک تعینلرینہ و مغازہ سیلہ اشیا زائدہ بیتہ سنک تمہیرینہ و اوراق و دفاترینک جلبنہ و کفالت مصدقہ ارانہ ایدہ مدیککی تقدیردہ حبس و توقیفنہ و بوبادہ کی قرارک موقتاً اجراسنہ ایکنجی تجارت محکمہ سنجه قرار ویرلش اولدیغندن قانوننامہ تجارتک ۱۷۰ نجی ماده سی موجبجه دائی سندیکلر انتخاب اولمق اوزرہ اشبو ۳۲۳ سنہ سی تشرین ثانی سنک یکرمی دردنجی جمعہ ایرتسی کونی ساعت الی رادہ لرندہ اصحاب مطلوبک محکمہ مذکورہ نیک مصالح افلاسیہ رؤیتنہ مخصوص اوطہ سنہ کلری اعلان اولنور .

زندان خانندہ مقیم یاغ تجارتندن یاسف یومطوف سماح طرفندن بالی بازارندہ بالقخانه زقاغندہ ساکن ایکن الیوم اقامتکاهی مجهول تخمچی دیقرا ن تورشوجیان ولد اوخانس ذمتندہ وعدہ لری حلول ایتش سندات موجبجه مطلوبی اولان یکرمی عدد لیرای عثمانیک تأمین استیفاسی ایچون مرقوم دیقرا نیک متصرف اولدینی قوم قبودہ قرغانی سعدی محله سنندہ حصار دیی زقاغندہ ۱۲۱ نومرو ایله مرقم براب عرصہ نیک درت حصہ اعتباریلہ اوچ حصہ شایعہ سی اوزرینہ وضع ایدیلان حمزک تصدیقلہ مبلغ مذکورک مع فائض و مصارف محاکمہ و اجرت و کالت اجرای موقتہ تحصیلی حقندہ ایکنجی تجارت محکمہ سی حضورندہ اقامہ ایدیلان دعوی اشبو ۳۲۳ سنہ سی کانون اولنک اوتنجی بازار ایرتسی کونی ساعت الی رادہ لرندہ فصل و رؤیت اولنہ جغندن یوم و وقت مزبور دہ مدعی علیہ مرقوم دیقرا ن تورشوجیانک بالذات محکمہ مذکور دہ حاضر بولنسی و یاخود مصدق سندلہ طرفندن بروکیل کوندرمی لازم کلہ جکی و شاید کلز ویا وکیل کوندرمز ایسہ حقندہ معاملہ غیاپیہ اجرا قلنہ جنی معلوم اولمق اوزرہ تنظیم اولنان دعوتیہ ورقہ سی محکمہ نیک دیوانخانہ سنہ تعلیق ایدلیدی کبی کیفیتک اوراق حوادثلہ دخی اعلاننہ ابتدار قلندی .

محکمہ نجات اجرا دارہ سندھ

مفلس آرابه جی امین افندی نیک تسویہ دیوناتی ضمنندہ شہزادہ باشی جوارندہ جامجی علی محله سنندہ وزنه جیلر جادہ سنندہ اوتوز درت نومرو ایله مرقم عہدہ تصرفندہ اولوب شہری التمش غروش ایجار کتوریر براب کارکیر دکان اشبو تشرین ثانی رومینک اون یدنجی جمعہ ایرتسی کونندن اعتباراً اون بش کون صوکرہ موقع مزایدہ قونیلہ جغندن اشتراسنہ طالب اولانلرک و اطرافیلہ معلومات آلق ایستینلرک محکمہ تجارت اجرا دائرہ سنہ مراجعت ایملری اعلان اولنور .

وانیو وخرستو پروقو برادرلرک طاووقچی پترو ذمتندہ ایکنجی تجارت محکمہ سی اعلامیلہ آله جنی اولان اچقہ نیک تسویہ سی ایچون مولویخانہ قوسی خارجندہ مرکز افندی محله سنندہ تکیہ جادہ سنندہ ایکی نومرو ایله مرقم وقیمق مصطفی پاشا وعایشہ خاتون و قفلریلہ محلو ط اولوب درونندہ مع آخور و مطبخ ایکی باب بانچوان اوطہ سنی واشجار مئمرہ و غیر مئمرہ یی وایکی دوئم محلندہ کروم مغروسہ یی و طولابی کبیر قیوی مشتمل علی التحمین یکرمی بش دوئم مقداری قراقلق بوستان دیمکلہ معروف معلوم الحدود براب بوستاندہ قیمق مصطفی پاشا وقفندن اولان کدکک یوز یکرمی سهم اعتباریلہ قرق بش وعایشہ خاتون وقفندن اولان کدکک بر اعتبار مذکور اوتوز سہم لرندن مدیون مرقوم پترو نیک متوفی پدرندن منتقلاً متصرف اولسی لازم کلان نصف حصہ لری اشبو تشرین ثانی رومینک اون یدنجی کونندن اعتباراً اون بش کون صوکرہ موقع مزایدہ وضع اولنہ جغندن اشتراسنہ طالب اولانلرک و بالاطراف معلومات آلق ایستینلرک محکمہ تجارت اجرا دائرہ سنہ مراجعت ایملری اعلان اولنور .

بک اوغلی بہایت محکمہ سی اجرا دارہ سندھ :

استفان ولد یانینک یونان دولتی تبعہ سنندن آفرودو ولد دیمتری دالما ذمتندہ بک اوغلی بدایت محکمہ سی برنجی حقوق دائرہ سنک برقطعہ اعلامی ایله محکوم بہ آله جنی اولان یوزاون اوچ عدد لیرای عثمانی و اوتوز ایکی بیچق غروش آلتون اچقہ نیک مع فائض و مصارف محاکمہ تأمین استیفاسی ضمنندہ مدیون مرقومک عہدہ تصرفندہ اولوب دائرہ مرقوم نامنہ فراغ بالوفا ایله مقید و فروختی مذکور اعلام ایله محکوم بولنان بک اوغلندہ بانغالندہ قیا زقاغندہ کائن وقف اولوب

قاسم پاشا جایتنہ تابع عرصاً یدی آرشون ایکی پارمق و طولاً یکرمی درت آرشون کہ من حیث المجموع تخمیناً یوز التمش ذراعندن عبارت و برطرفی صوباجی میناسیانک عرصہ سی و برطرفی موسیو پولک خانہ سی و آرقہ سی رسمجی فرانسوانک خانہ بانچہ سی و طرف رابی طریق عام ایله محدود ازن بر نومروی برقطعہ عرصہ نیک تاریخ اعلاندن اعتباراً اون بش کون صوکرہ بالمزایدہ فروختنہ تشبث اولنہ جغندن طالب اولوب بوندن زیادہ معلومات آلق ایستینلرک بک اوغلی بدایت محکمہ سی اجرا دائرہ سنہ مراجعت ایملری اعلان اولنور .

بلقوز بہایت محکمہ سی اجرا دارہ سندھ :

اناطولی حصارندہ ساکن پوسٹہ موزعی محی الدین افندی نیک در سعادتمندہ جراح پاشادہ احمد کتخدہ محله سنندہ ساکن منقاری زادہ فضیللو محمود فائق افندی بہ برقطعہ اعلام موجبجه دینی بولنان مبالغ معلومہ نیک تأمین استیفاسی ضمنندہ مقدمہ ججز آلتنہ آلدیرلش اولان اناطولی حصارندہ کوکسو درہ سنندہ طویلر اوکندہ یتیم سکنز نومرو ایله مرقم اوست قانده اوچ اوطہ و برصفہ و بر آبدستخانہ و آلت قانده کدکک اوچ اوطہ و بر صفہ و بر آبدستخانہ و بر مطبخ و بر کیلاروہر ایکی طرفندہ بر مقدار بانچہ یی حاوی مجموعی درت حصہ اعتباریلہ مومی الیہ محی الدین افندی بہ پدیری اسماعیل اغانک اوچ حصہ سنندن منتقل بریچق حصہ ساحلخانہ سی تاریخ اعلاندن اعتباراً اون بش کون صوکرہ بالمزایدہ فروخت اولنہ جغندن اشتراہ طالب اولانلرک بکقوز بدایت محکمہ سی اجرا دائرہ سنہ مراجعت ایملری اعلان اولنور .

محمد علی افندی نیک درہ سکی قریہ سنندہ متوفی طاشجی حسین اغانک مخدومی جراح احمد افندی ایله ہمیشہ سی احسان خانم ذمتلرندہ معلوم المقدار آله جغنک تأمین استیفاسی ضمنندہ مدیونان مومی الیہ مانک پدرلری متوفای مرقوم حسین اغادن ارثاً عہدہ لرینہ انتقال ایدہ جک اولان و مقدما ججز آلتنہ آلدیرلش بولنان درہ سکی قریہ سنندہ قرہ قولاق جادہ سنندہ کائن معلوم الحدود ایکی نومرو ایله مرقم برقطعہ بانچہ نیک تاریخ اعلاندن اعتباراً اون بش کون صوکرہ بالمزایدہ فروختنہ تشبث اولنہ جغندن اشتراسنہ طالب اولانلرک بکقوز قضاسی بدایت محکمہ سی اجرا دائرہ سنہ مراجعت ایملری اعلان اولنور .